


RELIGIOSAE OECUMENICAE DE GUADALUPE.

www.
ecumenicasdeguadalupe.
org

007,5 Ordo Missae 1962



Paolo VI in conclusione dell'ultima sessione del Concilio Vaticano II.

Sotto a sinistra: Monsignore Isidro Puente diciottenne, lettore nella cerimonia. (Wikipedia. Photo public domain).

GLORIA DEI HOMINUMQUE SALUS



Cortesia

Dedicantes hoc quaecumque opus
Reverendissimo et Excellentissimo Domino

Raphaeli Romo Muñoz

Primo Archiepiscopo Metropolitano hujus
nostrae Almae Urbis Tiguanae
in spe Transformationis Formationis
Reformationis Leviticae et Religiosae
Juventutis.

Nihil Obstat quominus imprimatur.
Tiguanae in California Inferiori Septentrionali
Mexicanae Ditionis
die 27 Martii A.D. MMXI.

Rev. Dr. Isidorus Puente Ochoa jr.
Ph.L., S.S.L., S.Th.D.

Censor Ecclesiasticus Archidioecesanus.

ORDO MISSAE

Sacerdos paratus cum ingreditur ad Altare, facta illi debita reverentia, signat se signo crucis a fronte ad pectus, et, nisi peculiari rubrica aliter statuatur, clara voce dicit:

VI. IN NÓMINE Patris, et Fílii, et Spíritus Sancti.
Amen.

Deinde, iunctis manibus ante pectus, incipit antiphonam:

VI. INTROÍBO ad altáre Dei.

Ministri respondent:

R/. Ad Deum qui lætíficat iuventútem meam.

Postea alternatim cum Ministris dicit sequentem Ps. 42, 1-5

VI. IÚDICA ME, Deus, et discérne cáusam
meam de gente non sancta: ab hómine iníquo
et dolóso érue me.

R/. Quia tu es, Deus, fortitúdo mea: quare me
repulísti, et quare tristis incédo, dum afflígit
me inimicus?

VI. Emitte lucem tuam et veritátem tuam: ipsa
me deduxérunt et adduxérunt in montem
sanctum tuum, et in tabernácula tua.

R/. Et introíbo ad altáre Dei: ad Deum qui
lætíficat iuventútem meam.

VI. Confitébor tibi in cíthara, Deus, Deus meus:
quare tristis es anima mea, et quare
contúrbas me?

R/. Spera in Deo, quóniam adhuc confitébor
illi: salutáre vultus mei, et Deus meus.

VI. GLÓRIA PATRI, et Filio, et Spíritui Sancto.

R/. Sicut erat in principio, et nunc, et semper:
et in sæcula sæculórum. Amen.

Sacerdos repetit antiphonam:

VI. Introíbo ad altáre Dei.

R/. Ad Deum qui lætíficat iuventútem meam.

Signat se, dicens:

VI. ADIUTÓRIUM nostrum in nómine Dómini.

R/. Qui fecit cælum et terram.

Deinde, iunctis manibus, profunde inclinatus facit Confessionem.

¶ In Missis Defunctorum, et in Missis de Tempore a Dominica
Passionis usque ad feriam V in Cena Domini, omittitur Psalmus
Iúdica me, Deus, cum Glória Patri, et repetitione
antiphonæ, sed dicto In nómine Patris, Introíbo, et
Adiutórium, fit Confessio, ut sequitur:

VI. CONFÍTEOR Deo omnipoténti, beátæ Mariæ
semper Vírgini, beáto Michaéli Archángelo, beáto
Ioánni Baptistæ, sanctis Apóstolis Petro et Páulo,
ómnibus Sanctis, et vobis, fratres: quia peccávi
nimis cogitátióne, verbo, et ópere: *percutit sibi pectus ter, dicens: mea culpa, mea culpa, mea máxima culpa.* Ideo precor
beátam Mariám semper Virginem, beátum
Michaélem Archángelum, beátum Ioánnem
Baptístam, sanctos Apóstolos Petrum et
Páulum, omnes Sanctos, et vos, fratres, oráre
pro me ad Dóminum Deum nostrum.

Ministri respondent:

R/. Misereátur tui omnipotens Deus, et
dimissis peccáti tuis, perdúcat te ad vitam
ætérrnam.

Sacerdos dicit:

VI. Amen, et erigit se.

Deinde Ministri repetunt Confessionem: et ubi a sacerdote dicebatur vobis, fratres, et vos, fratres, a ministris dicitur tibi, pater, et te, pater.

R/. CONFITEOR Deo omnipoténti, beátæ Mariæ
semper Vírgini, beáto Michaéli Archángelo, beáto
Joanni Baptistæ, sanctis Apóstolis Petro et Paulo,
ómnibus Sanctis, et tibi, Pater: quia peccávi
nimis cogitátióne, verbo et ópere, mea culpa, mea culpa,
mea máxima culpa. Ideo precor beátam Mariám
semper Virginem, beátum Michaélem Archángelum,
beátum Joánnem Baptistam, sanctos Apóstolos
Petrum et Paulum, omnes Sanctos, et te, Pater,
oráre pro me ad Dóminum Deum nostrum.

Postea Sacerdos, iunctis manibus, facit absolutionem, dicens:

VI. MISEREATUR vestri omnipotens Deus, et
dimissis peccáti vestris, perdúcat vos ad
vitam ætérrnam.

R/. Amen.

Signat se signo crucis, dicens:

VI. Indulgéntiam † absolutionem, et
remissionem peccatórum nostrórum, tríbuat
nobis omnipotens et miséricors Dóminus.
Amen.

Et inclinatus prosequitur:

VI. Deus, tu convérsus vivificábis nos.

R/. Et plebs tua lætábitur in te.

VI. Osténde nobis Dómine, misericórdiam
tuam.

R/. Et salutáre tuum da nobis.

VI. Dómine, exáudi orationem meam.

R/. Et clamor meus ad te véniat.

VI. Dóminus vobiscum.

R/. Et cum spírítu tuo.

Et extendens, ac iungens manus, clara voce dicit:

VI. Orémus, et ascendens ad Altare, dicit secreto:

AUFER A NOBIS, quæsumus, Dómine,
iniquitátes nostras: ut ad Sancta sanctorum
puris mereámur méntibus introire. Per
Christum Dóminum nostrum. Amen.

Deinde, manibus iunctis super Altare, inclinatus dicit:

ORÁMUS TE, Dómine, per mérita Sanctorum
tuorum, osculatur Altare in medio quorum
reliquiæ hic sunt, et ómnium Sanctorum: ut
indúlgere dignéris ómnia peccáta mea. Amen.

¶ In Missa solemní, quæ non sit defunctorum, celebrans,
antequam incipiat antiphonam ad Introitum, benedicit incensum,
dicens:

VI. Ab illo bene † dicáris, in cuius honóre
cremáberis. Amen. *Et accepto thuribulo a diacono,
incensat Altare, nihil dicens. Postea diaconus, recepto thuribulo
a celebrante, incensat illum tantum. Deinde celebrans signans
se signo crucis incipit antiphonam ad Introitum: quia finita,
iunctis manibus, alternatim cum ministris dicit:*

VI. KÝRIE ELÉISON.

R/. Kýrie eléison.

VI. Kýrie eléison.

R/. Christe eléison.

R/. Christe eléison.

R/. Christe eléison.

VI. Kýrie eléison.

R/. Kýrie eléison.

VI. Kýrie eléison.

*Postea in medio Altaris extendens et iungens manus, caputque
aliquantulum inclinans, dicit, si dicendum est, VI. GLÓRIA
IN EXCÉLSIS DEO, et prosequitur iunctis manibus. Cum
dicit Adorámus te, Gratias ágimus tibi, et Iesu
Christe, et Súscipe deprecationem, inclinatur caput: et in
fine dicens: Cum Sancto Spírítu signat se a fronte ad
pectus.*

R/. ET IN TERRA PAX homínibus bonæ
voluntátis.

VI. Laudámus te.

R/. Benedícimus te.

VI. Adorámus te.

R/. Glorificámus te.

VI. Grátias ágimus tibi propter magnam
glóriam tuam.

R/. Dómine Deus, Rex cœléstis,

VI. Deus Pater omnipotens.

R/. Dómine Fili unigénite, Iesu Christe.

VI. Dómine Deus, Agnus Dei, Fílius Patris.

R/. Qui tollis peccáta mundi, miserére nobis.

VI. Qui tollis peccáta mundi, súscipe
deprecationem nostram.

R/. Qui sedes ad dexteram Patris, miserére
nobis.

VI. Quóniam tu solus Sanctus.

R/. Tu solus Dóminus.

VI. Tu solus Altíssimus, Iesu Christe.

R/. Cum Sancto Spírítu in glória Dei Patris. Amen.

Deinde osculatur altare in medio, et versus ad populum dicit:

VI. Dóminus vobíscum.

R/. Et cum spírítu tuo. *Postea dicit*

VI. Orémus. et Orationes, unam aut plures, ut ordo Offici postulat. Sequitur Epístola, graduale, tractus vel Allelúia cum versu, aut sequentia, prout Tempus aut qualitas Missæ postulat.

His finitis, si est Missa sollemnis, diaconus librum Evangeliorum deponit super medium altaris, et, nisi sit Missa defunctorum, celebrans benedicit incensum, ut supra: deinde diaconus genuflexus ante altare, manibus iunctis, dicit:

MUNDA COR MEUM ac lábia mea, omnipotens Deus, qui lábia Isaíæ Prophétæ cálculo mundásti ignito: ita me tua grata miseratióne dignáre mundáre, ut sanctum Evangélium tuum digne váleam nuntiáre. Per Christum Dóminum nostrum. Amen.

Postea accipit librum de altari, et rursus genuflexus petit benedictionem a sacerdote, dicens:

lube, domne benedicere.

Sacerdos respondet:

DÓMINUS SIT in corde tuo et in lábiis tuis: ut digne et competéter annúnties Evangélium suum. In nómine Patris, et Fílii, † et Spírítus Sancti. Amen.

Et, accepta benedictione, osculatur manum celebrantis: et cum aliis ministris, incenso, et luminaribus, accedens ad locum Evangelii, stans iunctis manibus, dicit:

VI. Dóminus vobíscum.

R/. Et cum spírítu tuo. *Et pronuntians:*

VI. Sequéntia sancti Evangelii secúndum N., sive

VI. Inítium, pollice dexteræ manus signat librum in principio Evangelii, quod est lecturus, deinde seipsum in fronte, ore, et pectore: et dum ministri respondent

R/. Glória tibi, Dómine, incensat ter librum, postea prosequitur Evangelium iunctis manibus. Quo finito, subdiaconus defert librum sacerdoti, qui osculatur Evangelium, dicens:

VI. Per evangélica dicta deleántur nostra delícta.

Deinde sacerdos incensatur a diacono.

Si vero sacerdos sine diacono et subdiacono celebrat, delato libro ad aliud latus altaris, inclinatus in medio, iunctis manibus dicit: Munda cor meum ut supra, et lube, Dómine, benedicere. Dóminus sit in corde meo et in lábiis meis: ut digne et competéter annúntiem Evangélium suum. Amen.

Deinde, conversus ad librum, iunctis manibus, dicit:

VI. Dóminus vobíscum. R/. Et cum spírítu tuo.

Et pronuntians:

VI. Sequéntia sancti Evangelii secúndum N., sive

VI. Inítium, signat librum, et se in fronte, ore, et pectore, et legit Evangelium, ut dictum est. Quo finito, respondet minister:

R/. Laus tibi, Christe, et sacerdos osculatur Evangelium, dicens:

VI. Per evangélica dicta deleántur nostra delícta.

¶ In Missis Defunctorum dicitur Munda cor meum sed non petitur benedictio, non deferuntur liminaria, nec celebrans osculatur librum.

HOMILIA AD POPULUM

Deinde ad medium Altaris extendens, elevans, et iungens manus, dicit, si dicendum est,

VI. **CREDO IN UNUM DEUM,** et prosequitur iunctis manibus. Cum dicit Deum, caput Cruci inclinat: quod similiter facit, cum dicit Iesum Christum, et simul adoratur. Ad illa autem verba Et incarnátus est, genuflectit usque dum dicatur Et homo factus est. In fine ad Et vitam ventúri sæculi, signat se signo crucis a fronte ad pectus.

R/. **PATREM** omnipoténtem, factórem coeli et terræ, visibílium omnium et invisibílium.

VI. Et in unum Dóminum Iesum Christum, Fílium Dei unigénitum.

R/. Et ex Patre natum ante ómnia sæcula.

VI. Deum de Deo, lumen de lúmine, Deum verum de Deo vero.

VI. Génitum, non factum, consubstantiálem Patri: per quem ómnia facta sunt.

VI. Qui propter nos hómines, et propter nostram salutem descendit de cælis. *Hic genuflectitur*

R/. Et incarnátus est de Spírítu Sancto ex María Virgine: et homo factus est.

VI. Crucifixus etiam pro nobis; sub Póntio Pilato passus, et sepúltus est.

R/. Et resurrexit tértia die, secúndum Scripturas.

VI. Et ascendit in coelum: sedet ad dexteram Patris.

Et íterum ventúrus est cum glória iudicáre vivos et mórtuos: cuius regni non erit finis.

VI. Et in Spírítum Sanctum, Dóminum et vivificántem: qui ex Patre Fílióque procedit.

R/. Qui cum Patre, et Fílio simul adorátur et conglorificátur: qui locútus est per Prophétas.

VI. Et unam, sanctam, catholicam et Apostólicam Ecclésiám.

R/. Confíteor unum baptísma in remissionem peccatórum.

VI. Et expécto resurrectionem mortuórum.

R/. Et vitam ventúri sæculi. Amen.

Deinde osculatur Altare et, versus ad populum, dicit:

VI. Dóminus vobíscum.

R/. Et cum spírítu tuo. *Postea dicit:*

Orémus et Offertorium. Quo dicto, si est Missa sollemnis, diaconus porrigit celebranti patenam cum hostia: secus sacerdos ipse accipit patenam cum hostia, quam offerens, dicit:

SUSCIPE, SANCTE PATER, omnipotens ætérne Deus, hanc immaculátam hóstiam, quam ego indignus fámulus tuus offero tibi, Deo meo vivo et vero, pro innumerabílibus peccátis, et offénsionibus, et negligéntiis meis, et pro ómnibus circumstántibus, sed et pro ómnibus fidélibus Christiánis vivis atque defúntis: ut mihi, et illis proficiat ad salutem in vitam ætérnam. Amen.

Deinde faciens crucem cum eadem patena, deponit hostiam super corporale. Diaconus ministrat vinum, subdiaconus aquam in calice: vel si Missa sine sacris ministris celebratur, utrumque infundit sacerdos, et aquam miscendam in calice benedicit signo crucis, dicens:

DEUS, QUI HUMÁNÆ substántiæ dignitátem mirabíliter condidísti, et mirabílius reformásti: da nobis per húius aquæ et vini mystérium, eius divinitátis esse consórtes, qui humanitátis nostræ fieri dignátus est párticeps, Iesus Christus Fílius tuus Dóminus noster: Qui tecum vivit et regnat in unitáte Spírítus Sancti Deus: per ómnia sæcula sæculórum. Amen.

¶ In Missis Defunctorum dicitur prædicta Oratio: sed aqua non benedicitur.

Postea accipit calicem, et offert dicens:

OFFÉRIMUS tibi, Dómine, cálicem salutáris, tuam deprecántes cleméntiam: ut in conspéctu divínæ maiestátis tuæ, pro nostra et totíus mundi salute, cum odóre suavitátis ascendat. Amen.

Deinde facit signum crucis cum calice, et illum ponit super corporale, et palla cooperit: tum, iunctis manibus super altare, aliquantulum inclinatus, dicit:

IN SPÍRITU humilitátis et in ánimo contríto suscipiámur a te, Dómine: et sic fiat sacrificium nostrum in conspéctu tuo hódie, ut pláceat tibi, Dómine Deus.

Erectus expandit manus, easque in altum porrectas iungens, elevatis ad cælum oculis, et statim dimissis, dicit:

VENI, SANCTIFICÁTOR, omnipotens ætérne Deus: et benedicit oblata prosequendo: et béne † dic hoc sacrificium, tuo sancto nómini præparátum.

Postea, si solemnitè celebrat, benedicit incensum, dicens:

PER INTERCESSIÓNEM beáti Michaélis Archángeli, stantis a dextris altáris incénsi, et ómnium electórum suórum, incénsium istud dignétur Dóminus bene † dicere, et in odórem suavitátis accipere. Per Christum Dóminum nostrum. Amen.

Et accepto thuribulo a diacono, incensat oblata, modo in rubricis præscriptum, dicens:

INCÉNSUM istud, a te benedíctum, ascendat ad te, Dómine, et descendat super nos misericórdia tua.

Deinde incensat altare, dicens:

Ps. 140, 2-4

DIRIGÁTUR, Dómine, oratio mea, sicut incénsium in conspéctu tuo:

elevatio mánuum mearum sacrificium vespertinum.

PONE, DÓMINE, custódiam ori meo, et óstium circumstántiæ lábiis meis:

ut non declínet cor meum in verba malítiæ, ad excusándas excusatiónes in peccátis.

Dum reddit thuribulum diacono, dicit:

ACCÉNDAT in nobis Dóminus ignem sui amóris, et flammam ætérne caritátis.

Amen.

Postea incensatur sacerdos a diacono, deinde alii per ordinem.

Interim sacerdos lavat manus dicens: Ps. 25, 6-12

LAVÁBO inter innocéntes manus meas: et circúmdabo altáre tuum, Dómine.

Ut áudiam vocem laudis: et enárrem unívérta mirabília tua.

Dómine, diléxi decórem domus tuæ: et locum habitatiónis glóriæ tuæ.

Ne perdas cum impiis, Deus, ánimam meam: et cum viris sánguinem vitam meam.

In quorum mánibus iniquitátes sunt: dextera eórum repléta est munéribus.

Ego autem in innocéntia mea ingressus sum: rédime me, et miserére mei.

Pes meus stetit in dirécto: in ecclésiis benedícam te, Dómine.

Glória Patri, et Fílio, et Spírítui Sancto.

Sicut erat in principio, et nunc, et semper: et in sæcula sæculórum. Amen.

¶ In Missis Defunctorum, et Tempore Passionis in Missis de tempore omittitur Glória Patri.

Deinde, aliquantulum inclinatus in medio Altaris, iunctis manibus super eo, dicit:

SÚSCIPE, sancta Trínitas, hanc oblatiÓnem, quam tibi offerimus ob memóriam passiÓnis, resurrectionis, et ascensionis Iesu Christi, Dómini nostri, et in honórem beátæ Mariæ semper Vírginis, et beáti Ioánnis Baptistæ, et sanctórum Apostolórum Petri et Páuli, et istórum, et ómnium sanctórum: ut illis proficiat ad honórem, nobis autem ad salutem: et illi pro nobis intercedere dignéntur in cælis, quorum memóriam ágimus in terris. Per eúndem Christum Dóminum nostrum. Amen.

Postea osculatur Altare, et versus ad populum extendens, et iungens manus, voce paululum elevata, dicit:

VI. **ORÁTE** fratres, ut meum ac vestrum sacrificium acceptábile fiat apud Deum Patrem omnipoténtem.

Minister, seu circumstantes respondent: alioquin ipsemet sacerdos:

Rl. **SUSCIPAT** Dóminus sacrificium de mámbus tuis (vel meis) ad láudem et glóriam nóminis sui, ad utilitátem quoque nostram, totiúsque Ecclésiæ suæ sanctæ. *Sacerdos submissa voce dicit: Amen.*

Deinde, manibus extensis, absolute sine Orémus subiungit Orationes secretas. Quibus finitis, cum pervenerit ad conclusionem, clara voce dicit:

VI. **Per ómnia sæcula sæculórum.** cum præfatione, ut in sequentibus.

Præfationem incipit ambabus manibus positis hinc inde super altare: quas aliquantulum elevat, cum dicit:

VI. **Sursum corda.** *lungit eas ante pectus, et caput inclinat, cum dicit*

VI. **Grátias agámus Dómino Deo nostro.**

Deinde disjungit manus, et disiunctas tenet usque ad finem præfationis: qua finita, iterum iungit eas, et inclinatus dicit Sanctus. Et cum dicit: Benedictus qui venit, signum crucis sibi producit a fronte ad pectus.

¶ *Præfationes in tono solemniori*
Tonus solemnior adhibetur: a) in dominicis; b) in Missis festivis vel in Missis de Officio Sanctæ Mariæ in Sabbato; c) in vigiliis I classis; d) feria V in Cena Domini et in Missa Vigiliæ paschalis; e) per octavas; f) in Missis votivis I, II et III classis.

¶ *Præfationes in tono feriali*
Tonus ferialis adhibetur: a) in feriis; b) in vigiliis II et III classis; c) in Missis votivis IV classis; in Missis defunctorum.

¶ *Præfationes sine cantu*
PRÆFATIO DE NATIVITATE DOMINI

Sequens præfatio dicitur: a) tamquam propria, in Missis de Nativitate Domini et de ejusdem octava, necnon in festo Purificationis beatæ Mariæ Virginis; b) tamquam de Tempore, infra octavam Nativitatis Domini, etiam in Missis quæ secus præfationem propriam haberent, exceptis iis Missis quæ præfationem propriam de divinis mysteriis vel Personis habent; et a die 2 ad 5 Januarii.

VI. **Per ómnia sæcula sæculórum.**

Rl. **Amen.**

VI. **Dóminus vobiscum.**

Rl. **Et cum spíritu tuo.**

VI. **Sursum corda.**

Rl. **Habémus ad Dóminum.**

VI. **Grátias agámus Dómino Deo nostro**

Rl. **Dignum et iustum est.**

VERE DIGNUM et iustum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus: Quia per incarnáti Verbi mystérium, nova mentis nostræ oculis lux tuæ claritátis infulsit ut, dum visibíliter Deum cognóscimus, per hunc in invisibílium amórem rapiámur. Et ideo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

SANCTUS, Sanctus, Sanctus, Dóminus Deus Sábaoth.

Pleni sunt cæli et terra glória tua. Hosánna in excélsis.

BENEDÍCTUS qui venit in nómine Dómini.

Hosánna in excélsis. (*cantatur post consecrationem!*)

PRÆFATIO DE EPIPHANIA DOMINI
Sequens præfatio dicitur: a) tamquam propria, in Missis de festo Epiphaniæ et de Commemoratione Baptismatis D.N. Jesu Christi; b) tamquam de Tempore diebus a 7 ad 13 Januarii.

VERE DIGNUM et iustum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus. Quia, cum Unigénitus tuus in substántia nostræ mortalitátis apparuit,

nova nos immortalitátis suæ luce reparávit. Et ideo, cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

PRÆFATIO DE QUADRAGESIMA
Sequens præfatio dicitur: a) tamquam propria, in Missis de Tempore a feria IV cinerum usque ad sabbatum ante dominicam I Passionis; b) tamquam de Tempore in ceteris Missis quæ celebrantur eodem tempore, et præfatione propria carent.

VERE DIGNUM et iustum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus. Qui corporáli jejúnio vítia cómprimis, mentem elévas, virtútem largiris et præmia: per Christum Dóminum nostrum. Per quem majestátem tuam láudant Angeli, adórant Dominationes, tremunt Potestátes. Cæli, cælórúmque Virtútes, ac beáta Séraphim, sócia exsultatione concélebrant. Cum quibus et nostras voces, ut admitti júbeas, deprecámur, súpplici confessione dicétes:

PRÆFATIO DE SANCTA CRUCE
Sequens præfatio dicitur: a) tamquam propria, in Missis de Tempore a dominica I Passionis usque ad feriam V in Cena Domini; in Missis tam festivis quam votivis de Sancta Cruce, de Passione Domini et instrumentis Passionis Domini, de pretiosissimo Sanguine D.N. Jesu Christi, de Ss.mo Redemptore; b) tamquam de Tempore in omnibus Missis a dominica I Passionis usque ad feriam IV Hebdomadæ sanctæ, quæ præfatione propria carent.

VERE DIGNUM et iustum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus. Qui salútem humáni géneris in ligno Crucis constituísti: ut unde morte oriebátur, inde vita resúrgeret: et qui in ligno vincébat, in ligno quoque vincerétur: per Christum Dóminum nostrum. Per quem majestátem tuam láudant Angeli, adórant Dominationes, tremunt Potestátes. Cæli, cælórúmque Virtútes, ac beáta Séraphim, sócia exsultatione concélebrant. Cum quibus et nostras voces, ut admitti júbeas, deprecámur, súpplici confessione dicétes:

PRÆFATIO PASCHALIS
Sequens præfatio dicitur: a) tamquam propria, in Missis de Tempore a Missa Vigiliæ paschalis usque ad Vigiliam Ascensionis Domini; b) tamquam de Tempore in ceteris Missis quæ celebrantur eodem tempore, et præfatione propria carent.

In Missa Vigiliæ paschalis dicitur: in hac potíssimum nocte; a die autem Paschæ usque ad sabbatum in albis inclusive: in hac potíssimum die; alias: in hoc potíssimum.

VERE DIGNUM et iustum est, æquum et salutáre: Te quidem Dómine omni tempore, sed in hac potíssimum die (vel in hoc potíssimum) gloriósius prædicáre, cum Pascha nostrum immolátus est Christus. Ipse enim verus est Agnus, qui ábstulit peccáta mundi. Qui mortem nostram moriéndó destrúxit, et vitam resurgéndo reparávit. Et ideo, cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

PRÆFATIO DE ASCENSIONE DOMINI
Sequens præfatio dicitur: a) tamquam propria, in festo Ascensionis Domini; b) tamquam de Tempore in omnibus

Missis a feria VI post Ascensionem usque ad feriam VI ante vigiliam Pentecostes, quæ præfatione propria carent.

VERE DIGNUM et iustum est, æquum et salutáre: nos tibi semper, et ubique grátias ágere: Dómine sancte, Pater omnípotens, ætérne Deus: per Christum Dóminum nostrum. Qui post resurrectionem suam omnibus discípulis sui manifestus apparuit, et ipsis cernéntibus est elevátus in cælum, ut nos divinitátis suæ tribúeret esse partícipes. Et ideo, cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

PRÆFATIO DE SACRATISSIMO CORDE JESU
Sequens præfatio dicitur in Missis festivis et votivis de Sacratissimo Corde Jesu.

VERE DIGNUM et iustum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus: Qui Unigénitum tuum in cruce pendéntem láncea militis transfígi voluísti, ut apértum Cor, divínæ largitátis sacrárium, torréntes nobis funderet miseratiónis et grátiae, et, quod amóre nostri flagrære numquam déstitit, piis esset réquies et pœniténtibus patéret salutis refúgium. Et ideo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

PRÆFATIO DE D.N. JESU CHRISTO REGE
Sequens præfatio dicitur in Missis festivis et votivis de D.N. Jesu Christo Rege.

VERE DIGNUM et iustum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus: Qui unigénitum Filium tuum Dóminum nostrum Jesum Christum, Sacerdótem ætérnum et universórum Regem, óleo exsultationis unxísti: ut, seípsum in ara crucis hóstiam immaculátam et pacíficam offerens, redemptionis humánæ sacraménta perágeret: et, suo subjéctis império omnibus creatúris, ætérnum et universále regnum imménsæ tuæ tráderet Majestáti: regnum veritátis et vitæ; regnum sanctitátis et grátiae; regnum justítiae, amóris et pacis. Et ideo cum Angelis et Archángelis, cum Thronis et Dominationibus, cumque omni milítia cæléstis exércitus, hymnum glóriæ tuæ cánimus, sine fine dicétes:

PRÆFATIO DE SPIRITU SANCTO
Sequens præfatio dicitur: a) tamquam propria, in Missis de Tempore a vigilia Pentecostes usque ad subsequentem sabbatum et in Missis festivis et votivis de Spiritu Sancto; b) tamquam de Tempore in ceteris Missis quæ celebrantur eodem tempore, et præfatione propria carent. Extra vigiliam et octavam Pentecostes omittuntur verba: hodiérna die.

VERE DIGNUM et iustum est, æquum et salutáre, nos tibi semper, et ubique grátias ágere: Dómine sancte, Pater omnípotens, ætérne Deus: per Christum Dóminum nostrum. Qui ascéndens super omnes cælos, sedénsque ad dexteram Patris, promíssum Spíritum Sanctum (hodiérna die) in filios adoptionis effúdit. Quaprópter profúsis gáudiis, totus in orbe terrárum mundus exsúltat. Sed et supérnæ Virtútes, atque angélicæ Potestátes, hymnum glóriæ tuæ concinunt, sine fine dicétes:

PRÆFATIO DE SANCTISSIMA TRINITATE

Sequens præfatio dicitur: a) tamquam propria, in Missis de festo et votivis Ss.mæ Trinitatis; b) tamquam de Tempore in dominicis Adventus, et in omnibus dominicis II classis, extra tempus natalicium et paschale.

VERE DIGNUM et justum est, æquum et salutäre, nos tibi semper, et ubique grätias ägere: Dömine sancte, Pater omnipotens, ætérne Deus: qui cum unigénito Filio tuo, et Spirítu Sancto, unus es Deus, unus es Döminus: non in unius singularitáte persónæ, sed in unius Trinitáte substántiæ. Quod enim de tua glória, revelánte te, crédimus: hoc de Filio tuo, hoc de Spirítu Sancto, sine differéntia discretiónis sentímus. Ut in confessióne veræ sempiternæque Deitátis, et in persónis proprietas, et in esséntia únitas, et in majestáte adorétur æquálitas. Quam láudant Angeli atque Archángeli, Chérubim quoque ac Séraphim: qui non cessant clamäre cotidie, una voce dicéntes:

PRÆFATIO DE BEATA MARIA VIRGINE

Sequens præfatio dicitur in Missis festivis et votivis beatæ Mariæ Virginis, præterquam in festo Purificationis beatæ Mariæ Virginis.

Dicitur autem vel Et te in Annuntiatióne, vel Visitatióne, vel Assumptióne, vel Nativitáte, vel Præsentatióne, secundum denominationem Festi. In Missis vero de Conceptione immaculata dicitur: Et te in Conceptione immaculata. In Missis de Septem Doloribus dicitur: Et te in Transfixióne. In Commemoratióne de Monte Carmelo dicitur: Et te in commemoratióne. In omnibus aliis Festis beatæ Mariæ Virginis dicitur: Et te in festivitáte. In Missa sanctæ Mariæ in Sabbato et in Missis votivis, in quibus speciale mysterium non sit exprimendum, dicitur: Et te in veneratióne.

VERE DIGNUM et justum est, æquum et salutäre, nos tibi semper, et ubique grätias ägere: Dömine sancte, Pater omnipotens, ætérne Deus: Et te in *** beatæ Mariæ semper Virginis collaudäre, benedicere et prædicäre. Quæ et Unigénitum tuum Sancti Spirítus obumbratióne concépit: et virginitátis glória permanénite, lumen ætérnum mundo effúdit, Jesum Christum Döminum nostrum. Per quem majestátem tuam láudant Angeli, adórant Dominatiónes, tremunt Potestátes. Cæli, cælórumque Virtútes, ac beata Séraphim, sócia exsultatióne concélebrant. Cum quibus et nostras voces, ut admitti júbeas, deprecámur, súplici confessióne dicéntes:

PRÆFATIO DE S. JOSEPH, SPONSO B.M.V.

Sequens præfatio dicitur in Missis festivis et votivis S. Joseph.

In festo S. Joseph, die 19 Martii, dicitur Et te in festivitáte. In festo S. Joseph Opificis, die 1 Maii, dicitur: Et te in solemnitate. In Missis votivis dicitur: Et te in veneratióne.

VERE DIGNUM et justum est, æquum et salutäre, nos tibi semper, et ubique grätias ägere: Dömine sancte, Pater omnipotens, ætérne Deus: Et te in *** beáti Joseph débitis magnificäre præcóniis, benedicere et prædicäre. Qui et vir justus, a te Deíparæ Virgini Sponsum est datus: et fidélis servus ac prudens, super Familiam tuam est constitútus: ut Unigénitum tuum, Sancti Spirítus obumbratióne concéptum, patræna vice custodíret, Jesum Christum Döminum nostrum. Per quem majestátem tuam láudant Angeli, adórant Dominatiónes, tremunt Potestátes. Cæli cælórumque Virtútes, ac beata Séraphim, sócia exsultatióne concélebrant. Cum quibus et nostras voces, ut admitti júbeas,

deprecámur, súplici confessióne dicéntes:

PRÆFATIO DE APOSTOLIS

Sequens præfatio dicitur in Missis festivis et votivis Apostolorum et Evangelistarum.

VERE DIGNUM et justum est, æquum et salutäre, Te, Dömine, suppliciter exoräre, ut gregem tuum, pastor ætérne, non déseras: sed per beátos Apóstolos tuos continúa protectióne custódiás: Ut iisdem rectóribus gubernétur, quos óperis tui vicários eidem contulisti præésse pastóres. Et ideo, cum Angelis et Archángelis, cum Thronis et Dominatió nibus, cumque omni militía cæléstis exercitus, hymnum glóriæ tuæ cánimus, sine fine dicéntes:

PRÆFATIO COMMUNIS

Sequens præfatio dicitur in Missis quæ præfatione propria carent, nec sumere debent præfationem de Tempore.

VERE DIGNUM et justum est, æquum et salutäre, nos tibi semper, et ubique grätias ägere: Dömine sancte, Pater omnipotens, ætérne Deus: per Christum Döminum nostrum. Per quem majestátem tuam láudant Angeli, adórant Dominatiónes, tremunt Potestátes. Cæli cælórumque Virtútes, ac beata Séraphim, sócia exsultatióne concélebrant. Cum quibus et nostras voces ut admitti júbeas, deprecámur, súplici confessióne dicéntes:

PRÆFATIO DEFUNCTORUM

Sequens præfatio dicitur in omnibus Missis defunctorum.

VERE DIGNUM et justum est, æquum et salutäre, nos tibi semper, et ubique grätias ägere: Dömine sancte, Pater omnipotens, ætérne Deus: per Christum Döminum nostrum. In quo nobis spes beatæ resurrectiõnis effúlsit, ut, quos contrístat certa moriendi conditio, eosdem consoleretur futúrá immortalitátis promissio. Tuis enim fidélibus, Dömine, vita mutátur, non tollitur, et, dissolúta terréstris hujus incolátus domo, ætérna in cælis habitatio comparátur. Et ideo, cum Angelis et Archángelis, cum Thronis et Dominatió nibus, cumque omni militía cæléstis exercitus, hymnum glóriæ tuæ cánimus, sine fine dicéntes:

SANCTUS, Sanctus, Sanctus, Döminus Deus Sábaoth.

Pleni sunt cæli et terra glória tua. Hosánna in excélsis.

BENEDÍCTUS qui venit in nómine Dómini.

Hosánna in excélsis. (cantatur post consecrationem!).

CANON MISSÆ

Finita præfatione, sacerdos extendens, elevans aliquantulum et iungens manus, elevansque ad cælum oculos, et statim demittens, profunde inclinatus ante altare, manibus super eo positus, dicit:

TE ÍGITUR, clementissime Pater, per Iesum Christum, Filium tuum, Döminum nostrum, súplices rogámus ac pétimus osculatur altare et, iunctis manibus ante pectus, dicit: uti accépta hábeas, et benedicas signat ter super hostiam et calicem simul, dicens: hæc † dona, hæc † múnera, hæc † sancta sacrificia illibáta; extensis manibus

prosequitur: in primis quæ tibi offerimus pro Ecclésia tua sancta cathólica; quam pacificáre, custodíre, adunáre, et régere dignéris toto orbe terrárum: una cum famulo tuo Papa nostro N., et Antístite nostro N., et omnibus orthodoxis, atque cathólicæ et apostólicæ fidei cultóribus.

Commemoratio pro vivis

MEMÉNTO, Dömine, famulórum famulúmque tuarum N. et N. *iungit manus, orat aliquantulum pro quibus orare intendit: deinde manibus extensis prosequitur: et ómnium circumstantium, quorum tibi fides cõgnita est et nota devotio, pro quibus tibi offerimus: vel qui tibi offerunt hoc sacrificium laudis, pro se suisque ómnibus: pro redemptione animárum suárum, pro spe salutis et incomlutatis suæ: tibique reddunt vota sua ætérno Deo, vivo et vero.*
¶ *Pro Communicantes propr., ut infra.*

Infra Actionem

COMMUNICANTES, et memóriam venerántes, in primis gloriósæ semper Virginis Mariæ, Genitricis Dei et Dómini nostri Iesu Christi: sed et beáti Ioseph, eiúsdem Virginis Sponsi, et beatórum Apostolórum ac Máryrum tuórum, Petri et Páuli, Andréæ, (Iacóbi, Ioánnis, Thomæ, Iacóbi, Philíppi, Bartholomæi, Matthæi, Simónis, et Thaddæi: Lini, Cleti, Cleméntis, Xysti, Cornélii, Cypriáni, Lauréntii, Chrisógoni, Ioánnis et Páuli, Cosmæ et Damiáni:) et ómnium Sanctórum tuórum; quorum méritis precibusque concédas, ut in ómnibus protectiõnis tuæ muniámur auxilio. *Iungit manus. (Per eúndem Christum Döminum nostrum. Amen.)*

Infra Actionem

In Nativitate Domini et per Octavam

COMMUNICANTES, et diem sacratissimum (noctem sacratissimam) celebrántes, quo (qua) beatæ Mariæ intemerata Virginitas huic mundo édedit Salvatórem, sed et memóriam venerántes, in primis eiúsdem gloriósæ semper Virginis Mariæ, Genitricis Dei et Dómini nostri Iesu Christi: †

In Epiphania Domini

COMMUNICANTES, et diem sacratissimum celebrántes, quo Unigénitus tuus, in tua tecum glória coætérnus, in veritate carnis nostræ visibíliter corporális apparuit: sed et memóriam venerántes, in primis gloriósæ semper Virginis Mariæ, Genitricis Dei et Dómini nostri Iesu Christi: †

A Missa Vigilæ paschalis usque ad sabbatum in albis

COMMUNICANTES, et diem sacratissimum (noctem sacratissimam) celebrántes, Resurrectiõnis Dómini nostri Iesu Christi secundum carnem: sed et memóriam venerántes, in primis gloriósæ semper Virginis Mariæ, Genitricis Dei et Dómini nostri Iesu Christi: †

In Ascensione Domini

COMMUNICANTES, et diem sacratissimum celebrántes, quo Döminus noster, unigénitus Filius tuus, unitam sibi fragilitátis nostræ substántiam in glóriæ tuæ dextera collocávit: sed et memóriam venerántes, in primis gloriósæ semper Virginis Mariæ, Genitricis Dei et Dómini nostri Iesu Christi: †

A Vigilâ Pentecostes usque ad sequens sabbatum

COMMUNICANTES, et diem sacratissimum Pentecostes celebrantes, quo Spiritus sanctus Apóstolis innumeris linguis apparuit: sed et memoriam venerantes, in primis gloriósae semper Virginis Mariæ, Genitricis Dei et Dómini nostri Iesu Christi: †

† SED ET BEÁTI IOSEPH eiusdem Virginis Sponsi, et beatórum Apostolórum ac Máryrum tuórum, Petri et Páuli, Andreæ, (Iacóbi, Ioánnis, Thómæ, Iacóbi, Philíppi, Bartholomæi, Matthæi, Simónis, et Thaddæi, Lini, Cleti, Cleméntis, Xysti, Cornélii, Cypriáni, Lauréntii, Chrisógoni, Ioánnis et Páuli, Cosmæ et Damiáni,) et ómnium Sanctórum tuórum; quorum méritis precibúsq;ue concédas, ut in ómnibus protectiónis tuæ muniámur auxilió. *lungit manus.* (Per eúndem Christum Dóminum nostrum. Amen.)

¶ Pro Hanc igitur propr., ut infra.

Tenens manus expansas super oblata, dicit:

HANC IGITUR oblatiónem servitútis nostræ, sed et cunctæ familiæ tuæ, quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripi, et in electórum tuórum iúbeas grege numerári. *lungit manus.* (Per Christum Dóminum nostrum. Amen.)

A Missa Vigilæ paschalis usque ad sabbatum in albis et a Vigilia Pentecostes usque ad sequens Sabbatum
HANC IGITUR oblatiónem servitútis nostræ, sed et cunctæ familiæ tuæ, quam tibi offerimus pro his quoque, quos regenerare dignátus es ex aqua et Spíritu Sancto, tribuens eis remissionem ómnium peccatórum: quæsumus, Dómine, ut placátus accípias: diésque nostros in tua pace dispónas, atque ab ætérna damnatióne nos éripi, et in electórum tuórum iúbeas grege numerári. *lungit manus.* (Per Christum Dóminum nostrum. Amen.)

QUAM OBLATIÓNEM tu, Deus, in ómnibus, quæsumus, *signat ter super oblata, bene † dictam, adscrí † ptam, ra † tam, rationábilem, acceptabilémque* fácere dignéris: ut nobis *signat semel super hostiam, Cor † pus, et et semel super calicem, Sán † guis fiat dilectissimi Filii tui, iungit manus, Dómini nostri Iesu Christi.*

QUI PRÍDIE QUAM paterétur, *accipit hostiam, accépit panem in sanctas ac venerábiles manus suas, elevat oculos ad cælum, et elevátis óculis in cælum ad te Deum Patrem suum omnipoténtem, caput inclinat, tibi grátias agens, signat super hostiam, bene † dixit, fregit, deditque discipulis suis, dicens: Accipite, et manducate ex hoc omnes.*

Tenens ambabus manibus hostiam inter indices et pollices, profert verba consecrationis secreta, distincte, et attente super hostiam, et simul super omnes, si plures sint consecrandæ.

HOC EST ENIM CORPUS MEUM.

Quibus verbis prolatis, statim hostiam consecratam genuflexus adorat: surgit, ostendit populo, reponit super corporale, et genuflexus iterum adorat: nec amplius pollices et indices disiungit, nisi quando hostia tractanda est, usque ad ablutionem digitorum.

Tunc, detecto calice, dicit:

SÍMILI MODO póstquam cenátum est, *ambabus manibus accipit calicem, accípiens et hunc præclárum cálicem in sanctas ac venerábiles*

manus suas: *item caput inclinat, tibi grátias agens, sinistra tenens calicem, dextera signat super eum, bene † dixit, deditque discipulis suis, dicens: Accipite, et bibite ex eo omnes.*

Profert verba consecrationis super calicem, attente et continue, tenens illum parum elevatum.

HIC EST ENIM CALIX SÁNGUINIS MEI, NOVI ET ÆTÉRNA TESTAMÉNTI: MYSTÉRIUM FIDEI: QUI PRO VOBIS ET PRO MULTIS EFFUNDÉTUR IN REMISSIÓNEM PECCATÓRUM.

Quibus verbis prolatis, deponit calicem super corporale, et dicens:

Hæc quotiescúmque fecéritis, in mei memoriam faciétis.

genuflexus adorat: surgit, ostendit populo, deponit, cooperit, et genuflexus iterum adorat. Deinde desiunctis manibus dicit:

UNDE ET MÉMORÉS, Dómine, nos servi tui, sed et plebs tua sancta, eiusdem Christi Filii tui, Dómini nostri, tam beátæ passiónis, nec non et ab ínferis resurrectiónis, sed et in cælos gloriósæ ascensiónis: offerimus præcláræ maiestáti tuæ de tuis donis ac datis iungit manus, et signat ter super Hostiam, et Calicem simul, dicens: hóstiam † puram, hóstiam † sanctam, hóstiam † immaculátam, signat semel super Hostiam, dicens: Panem sanctum vitæ ætérnæ, et semel super Calicem, dicens: et Cálicem salutis perpétuæ. *Extensis manibus prosequitur:*

SUPRA QUÆ propítio ac seréno vultu respícere dignéris: et accépta habére, sicuti accépta habére dignátus es múnera púeri tui iusti Abel, et sacrificium Patriárchæ nostri Abrahæ: et quod tibi obtulit summus sacerdos tuus Melchisedech, sanctum sacrificium, immaculátam hóstiam.

Profunde inclinatus, iunctis manibus et super altare positus, dicit:

SÚPPLICES TE rogámus, omní-potens Deus, iube hæc perférri per manus sancti Angeli tui in sublíme altáre tuum, in conspéctu divínæ maiestátis tuæ: ut quoquot osculatur Altare, ex hac altáris participatióne sacrosánctum Filii tui *iungit manus, et signat semel super hostiam, et semel super calicem, Cor † pus et Sán † guinem sumpsérimus, seipsum signat, dicens: omni benedictiône cælesti et grátia repleámur. lungit manus.* (Per eúndem Christum Dóminum nostrum. Amen.)

Commemoratio pro defunctis

MEMÉNTO ÉTIAM, Dómine, famulórum famulárumque tuárum N. et N. qui nos præcessérunt cum signo fidei, et dórmunt in somno pacis.

lungit manus, orat aliquantulum pro iis defunctis, pro quibus orare intendit, deinde extensis manibus prosequitur:

Ipsis, Dómine, et ómnibus in Christo quiescéntibus, locum refrigerii, lucis et pacis, ut indúlgeas, deprecámur. *lungit manus, et caput inclinat, dicens: (Per eúndem Christum Dóminum nostrum. Amen.)*

Manu dextera percussit sibi pectus, elata aliquantulum voce dicens:

NOBIS QUOQUE peccatóribus *extensis manibus ut prius, secreta prosequitur:* fámulis tuis, de multítudine miseratiónum tuárum sperántibus, partem álquam et societátem donare dignéris, cum tuis sanctis Apóstolis et Martírybus: cum Ioánnē, Stéphanō, Matthiā, Bárnabā, (*Ignátio, Alexándro, Marcellíno, Petro, Felicitáte, Perpétua, Agatha, Lúcia, Agnéte, Cæcília, Anastásia,*) et ómnibus Sanctis tuis: intra quorum nos consórtium, non æstimátor mériti, sed véniæ, quæsumus, largítor admítte. *lungit manus.* Per Christum Dóminum nostrum.

PER QUEM hæc ómnia, Dómine, semper bona creas, signat ter super Hostiam, et Calicem simul dicens: sancti † ficas, vivi † ficas, bene † dícis, et præstas nobis.

Discooperit Calicem, genuflectit, accipit Hostiam inter pollicem et indicem manus dexteræ: et tenens sinistra Calicem, cum Hostia signat ter a labio ad labium Calicis, dicens:

PER IP † SUM, et cum ip † so, et in ip † so, *cum ipsa hostia signat bis inter se et Calicem, dicens: est tibi Deo Patri † omnipoténti, in unitáte † Spíritus Sancti, elevans parum Calicem cum Hostia, dicit: omnis honor et glória.*

Reponit hostiam, calicem palla cooperit, genuflectit, surgit, et dicit intelligibili voce, vel cantat:

Per omnia sæcula sæculórum. R/. Amen.

lungit manus

Orémus: Precéptis salutáribus móniti, et divína institutióne formáti, audémus dícere:

Extendit manus

PATER NOSTER, qui es in coelis:

Sanctificétur nomen tuum: Advéniat regnum tuum: Fiat volúntas tua, sicut in coelo, et in terra. Panem nostrum quotidianum da nobis hódie: Et dimítte nobis débíta nostra, sicut et nos dimittimus debítóribus nostris. Et ne nos indúcas in tentatióne. R/. Sed líbera nos a malo.

Sacerdos secreta dicit: Amen.

Deinde manu dextera accipit inter indicem et medium digitos patenam, quam tenens super altare erectam, dicit secreta:

LÍBERA NOS, quæsumus Dómine, ab ómnibus malis, præteritis, præsentibus et futúris: et intercedénte beáta et gloriósa semper Virgine Dei Genitrice Mariá, cum beátis Apóstolis tuis Petro et Páulo, atque Andréa, et ómnibus Sanctis, *signat se cum patena a fronte ad pectus, da propítius pacem in diébus nostris: patenam osculatur, ut, ope misericórdiæ tuæ adiúti, et a peccáto securus semper líberi et ab omni perturbatióne símuri.*

Submittit patenam hostiæ, discooperit calicem, genuflectit, surgit, accipit hostiam, et eam super calicem tenens utraque manu, frangit per medium, dicens:

Per eúndem Dóminum nostrum Iesum Christum, Fílium tuum.

Et mediam partem, quam in dextera manu tenet, ponit super patenam. Deinde ex parte, quæ in sinistra remanserat, frangit particulam, dicens:

Qui tecum vivit et regnat in unitáte Spíritus Sancti Deus.

Aliam mediam partem, quam in sinistra manu habet, adiungit mediæ super patenam positæ, et particulam parvam dextera retinens super calicem, quem sinistra per nodum infra cuppam tenet, dicit intelligibili voce, vel cantat:

Per omnia sæcula sæculórum. R/. Amen.

Cum ipsa particula signat ter super calicem, dicens: VI. Pax † Dómini sit † semper vobis † cum.

R/. Et cum spíritu tuo.

Particulam ipsam immittit in calicem, dicens secreta:

HÆC COMMIXTIO et consecratio Corporis et Sanguinis Domini nostri Iesu Christi, fiat accipientibus nobis in vitam æternam. Amen.

Cooperit calicem, genuflectit, surgit, et inclinatus Sacramento, iunctis manibus, et ter pectus percutiens, intelligibili voce dicit:

AGNUS DEI, qui tollis peccata mundi: miserere nobis.

Agnus Dei, qui tollis peccata mundi: miserere nobis.

Agnus Dei, qui tollis peccata mundi: dona nobis pacem.

¶ *In Missis defunctorum non dicitur miserere nobis, sed eius loco dona eis requiem, et in tertio additur sempiternam.*

Deinde, iunctis manibus super altare, inclinatus dicit secrete sequentes orationes:

DÓMINE IESU Christe, qui dixisti Apóstolis tuis: Pacem relinquo vobis, pacem meam do vobis: ne respicias peccata mea, sed fidem Ecclesiæ tuæ; eamque secundum voluntatem tuam pacificare et coadunare digneris: Qui vivis et regnas Deus per omnia sæcula sæculorum. Amen.

Si danda est pax, osculatur altare, et dans pacem, dicit:

VI. Pax tecum.

R/. Et cum spiritu tuo.

¶ *In Missis defunctorum non datur pax, neque dicitur præcedens oratio.*

DÓMINE IESU Christe, Fili Dei vivi, qui ex voluntate Patris, cooperante Spiritu Sancto, per mortem tuam mundum vivificasti: libera me per hoc sacrosanctum Corpus et Sanguinem tuum ab omnibus iniquitatibus meis et universis malis: et fac me tuis semper inhærere mandatis, et a te numquam separari permittas: (Qui cum eodem Deo Patre et Spiritu Sancto vivis et regnas Deus in sæcula sæculorum. Amen.)

PERCÉPTIO Corporis tui, Domine Iesu Christe, quod ego indignus sumere præsumo, non mihi provéniat in iudicium et condemnationem: sed pro tua pietate prosit mihi ad tutamentum mentis et corporis, et ad medelam percipiendam: (Qui vivis et regnas cum Deo Patre in unitate Spiritus Sancti Deus, per omnia sæcula sæculorum. Amen.)

Genuflectit, surgit, et dicit:

PANEM cælestem accipiam, et nomen Domini invocabo.

Deinde parum inclinatus, accipit ambas partes hostiæ inter pollicem et indicem sinistræ manus, et patenam inter eundem indicem et medium supponit, et dextera tribus vicibus percutiens pectus, elata aliquantulum voce, ter dicit devote, et humiliter:

DÓMINE, non sum dignus, et secrete prosequitur: ut întres sub tectum meum: sed tantum dic verbo, et sanabitur anima mea.

Postea dextera se signans cum hostia super patenam, dicit:

CORPUS Domini nostri Iesu Christi custodiat animam meam in vitam æternam. Amen.

Et se inclinans, reverenter sumit ambas partes hostiæ: quibus sumptis, deponit patenam super corporale, et erigens se iungit manus, et quiescit aliquantulum in meditatione sanctissimi Sacramenti.

Deinde discooperit calicem, genuflectit, colligit fragmenta, si quæ sint, extergit patenam super calicem, interim dicens:

QUID RETRÍBUAM Dómino pro omnibus quæ retribuit mihi? Cálicem salutáris accipiam, et nomen Dómini invocábo. Láudans invocábo Dóminum, et ab inimicis meis salvus ero.

Accipit calicem manu dextera, et eo se signans, dicit:

SANGUIS Domini nostri Iesu Christi custodiat animam meam in vitam æternam. Amen.

Et sinistra supponens patenam calici, reverenter sumit totum Sanguinem, cum particula. Quo sumpto, si qui sunt communicandi, eos communicet, antequam se purificet. Postea dicit:

QUOD ORE sumpsimus, Domine, pura mente capiamus: et de múnere temporáli fiat nobis remédium sempiternum.

Interim porrigit calicem ministro, qui infundit in eo parum vini, quo se purificat: deinde prosequitur:

CORPUS TUUM, Domine, quod sumpsi, et Sanguis, quem potávi, adhæreat viscéribus meis: et præsta; ut in me non remaneat scélerum mácula, quem pura et sancta refecerunt Sacraménta: Qui vivis et regnas in sæcula sæculorum. Amen.

Abluit et extergit digitos, ac sumit abluitionem: extergit os et calicem, quem, plicato corporali, operit et collocat in altari ut prius: deinde prosequitur Missam.

Dicta antiphona ad Communionem, osculatur altare, et versus ad populum dicit:

VI. Dóminus vobiscum.

R/. Et cum spiritu tuo.

Deinde, reversus ad altare, dicit: Orémus.

Dicto, post ultimam orationem,

VI. Dóminus vobiscum.

R/. Et cum spiritu tuo.

dicit

VI. Ite, Missa est. vel, si qua liturgica processio sequatur,

VI. Benedicámus Dómino.

R/. Deo grátias.

¶ *In Missis Defunctorum dicit:*

VI. Requiescant in pace.

R/. Amen.

Tunc celebrans inclinat se ante medium altaris, et manibus iunctis super illud, dicit secrete:

PLÁCEAT TIBI, sancta Trinitas, obséquium servitútis meæ: et præsta; ut sacrificium, quod óculis tuæ maiestátis indignus obtuli, tibi sit acceptábile, mihi que et omnibus, pro quibus illud obtuli, sit, te miseránte, propitiábile. Per Christum Dóminum nostrum. Amen.

Deinde osculatur altare: et elevatis oculis, extendens, elevans et iungens manus, caputque Cruci inclinans, dicit:

VI. Benedicat vos omnipotens Deus, et versus ad populum, semel tantum benedicens, etiam in Missis solemnibus prosequitur: **Pater, et Filius, † et Spiritus Sanctus.**

R/. Amen.

¶ *In Missa Pontificali ter benedicitur, ut in Pontificali habetur.*

¶ *In Missis in quibus dictum est Benedicámus Dómino, vel Requiescant in pace, non datur benedictio, sed dicto Pláceat, et osculato altari, celebrans legit, si dicendum sit, Evangelium sancti Ioannis.*

Deinde sacerdos in latere Evangelii, iunctis manibus dicit:

VI. Dóminus vobiscum.

R/. Et cum spiritu tuo.

Et signans signo Crucis primum altare, vel librum, deinde se in fronte, ore, et pectore, dicit:

† Inítium sancti Evangelii secundum Ioánnem.
Vel si aliud Evangelium legendum sit: † Sequéntia sancti Evangelii etc.

R/. Glória tibi, Domine.

iunctis manibus prosequitur: Ioann. 1, 1-14

IN PRINCÍPIO erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hóminum: et lux in ténébris lucet, et ténébræ eam non comprehendérunt.

Fuit homo missus a Deo, cui nomen erat Ioánnes. Hic venit in testimónium, ut testimónium perhiberet de lumine, ut omnes créderent per illum. Non erat ille lux, sed ut testimónium perhiberet de lumine.

Erat lux vera, quæ illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In propria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui crédunt in nómine eius: qui non ex sanguinibus, neque ex voluntáte carnis, neque ex voluntáte viri, sed ex Deo nati sunt.

Genuflectit dicens: Et Verbum caro factum est, et surgens prosequitur: et habitávit in nobis: et vídimus glóriam eius, glóriam quasi Unigéniti a Patre, plenum grátia et veritátis.

R/. Deo grátias.